

KANATA
NUNAVUT

INUNGNUT AANNIAQTAILINAHUARNIRMUN MALIGAQ, S. Nu. 2016, c. 13

PITQUIDJUT TINGMITIQAQTUNUT#7

TALVALI:

- A. Minista Munaqhiliqiyitkunni uqaqhimaliqtuq Inungnut Aanniqtailinahuarnirmun Qilamiugutauliqtuq Nunavunmi atulitittiluni March 20, 2020 illituripkaiyumaplugu una taivaktaat novel coronavirus QALAQYUARNIQ-19 nunaqyuaptingni hiamitiqhimayuq aanniarut, Ministalu hivuni piqattaqtitaqlugu uqagiiqhimayudjutimik naagaiqpat 14 ni ubluni pidjutillugu Inungnut Aanniqtailinahuarnirmun Qilamiugutauyumut;
- B. Malikhugu ilangani 41(1) uvani *Inungnut Aanniqtailinahuarnirmun Maligaq* (“una Maligaq”) Atanilluaq Inungnut Aanniqtailinahuarnirmun Hivuliqtia qanuriliuqtaaqtuq kitunik hulidjutikhanik, tunihiluni qanuqtun piyuqhanik pitquidjutinik ihumagilluaqhugit aanniaqtailiplugit pittailinahaqlunilu, ihuaqhinahuarlugit ikittuunahaqlugitluunnit pidjutilgit taaffuminga inungnut aanniqtailinahuarnirmun qilamiugutauliqtumut;
- C. Malikhugu *Tingmiliqidjutikkut Maligaq*, kavamatuqatkunni Minista Ingilradjutiliqiyikkunni tunihivaktuq *Tadjami Maliktakhaq Mighaagun Kituni Pitquidjutinik ukununga Inungnut Tingmidjutiinnun piyun uumunga COVID-19 qalagyuarnirmi, No. 8* atuliqtauluni September 15, 2020; imaalu
- D. Atanilluaq Inungnut Aanniqtailinahuarnirmun Hivuliqtia ihuaqhaiyumayait malikkuutiqhat tingmidjutiqaqtunut laisqaqtunutlu niuvvaavit malikkuutigiyaitlu tuniyauhimagut Ministamin In’ngilradjutiliqiyikkunni;

TALVALI, maliqhugulu ilangani 41(1)(g) Maligaqmi, Atanilluaq Inungnut Aanniqtailinahuarnirmun Hivuliqtia tuniyuq haffuminga maliqtaqhainnik tamaita tingmidjutiqaqtunut, laisqaqtunut niuvvaaviit taapkunanutlu nanminilgit tingmidjutinik iluanut talvainnakmilu Nunavunmi (atautikkut, “tingmihiqiyit”):

1. Maliqtaqhaq tunihimagut Tingmitiqaqtunut (#6) tuniyauplutik July 13, 2020 mi taimaaqtihimayut himmauhiqhugitlu haffuminga Maliqtaqhaq.
2. Maliqtaqhami:

- a. “Tingmiyuuyuuq” kangiqhidjutaa kituliqaaq aulapkaivaktuq tingmitigiyauyuni malikhugu ataani Ilanganni 1, 3, 4 5 miluunniit Nakataani VII talvani Kanatian Tingmidjutiliqidjutinut Maliguagaqhainni;
 - b. “Qilamiugutauyumut Havagtiuyut” kangiqhinnaktuq imaa:
 - i. Ilauyut Paliihimatkunni havaqhimatillutik;
 - ii. Ilauyut Kanatami An’nguyaqtuni havaqhimatillutik;
 - iii. Ilauyut Itiqtauviliqidjutinut Havagviat Kanatami taapkunaniluunniit Nunavut Maligaliqiiyitkunni Itiqtauviliqiiyit Havagvianni havaqhimatillutik;
 - iv. Havaktiit kivraqtuiyitluunnit Nunavut Munaqhiliqiiyitkunnut munaqhiuyunut daaktiliangnahuaqtunut tiguyauhimayut ataani maliktaqhani maliqhugu ***Ihumaliqidjutinut Aanniaqtailidjut Maligaa*** talvaluunniit ***Inungnut Aanniaqtailinahuarnirmun Maligaa***;
 - v. Ilauyut Umiaqyuani taivagait Kanatian Coast Guard mik talvanilu ilauyut Kanatian Coast Guard Ikayuqtiuyuni havaqhimatillutik; imaalu
 - vi. Ilauyut aadlani maligatigut maliqiiyut kivraqtiuplutik piliuqhimayut ataani maligaqmin Kanatami Nunavunmiluunniit, havaqhimatillutik.
 - c. “Tingmidjutilgit An’nguyaqtiit” kangiqhidjutaa tingmiligumik Kanaitian An’nguyaqtiit tingmitigiyaanni kituniluunniit tingmitmi an’nguyaqtiit havagviuyut an’ngiqtauhimayut aulayaami Kanatami; imaalu
 - d. “Nanminiqaqtut Tingmihiqiiyi” kangiqhidjutaa tigungmidjutiqaqtuq nanminiupluni tingmihiqiiyi atiliugiiqhimayuq titiqqaqaqhuni naunaiqhimapluni Kanaitian Tingmiliqidjutinut Maliguararhani.
3. Kihiani an’ngiqtaugumik Maliqtaqhami, kinaliqaaq inuk takunnaqhiqaligumi novel coronavirus QALAQYUARNIQ-19 mik tingmipkaqtaulimaittuq Nunavunmut.

4. Tamaita tingmitiqaqtunut nanminiqaqqtunutlu tingmihiqiiyit apiqhuiyuqhat tamainnut tingminahuaqtunut naunaiqlutik takudjutiqaqariaqhainnik hapkuninga takunnaktunik (aanniagittaaqhaita naunaitkut apikkuutit):
 - a. kidjakhimaniq avatquhimayuq 38° Celsius (100.4° Fahrenheit);
 - b. qalaqhuktuq; imaalu
 - c. anirhaaqtariami ayurhaqtuq.
5. Tamaita tingmitiqaqtunut nanminiqaqqtunutlu tingmihiqiiyit apirhuqtaqhait tamaita tingminiarhimayut hapkuninga aallanik apikkuutinik (ukuat 'aadlatlu apikkuutit"):
 - a. naliakkut qaqtut piqangnahugiyauyutluunniit novel coronavirus QALAYUARNIQ-19 mik;
 - b. Qin'ngiyauhimavaktutluunniit tingmiyaami atulihaaqtuni 14 ni ubluni aanniarunmik pidjutiqaqmat novel coronavirus QALAGYUARNIQ-19, imaalu
 - c. avaliin'ngaaquyauyutluunniit pidutingmatluunniit aullaqhimalihaaqaqhimangmat aanniaqtailinirmun pitquyaupluniluunniit kanatap avikturvianni, ukiuqtaqtumin avikturviani nunallaamiminitluunniit.
6. Tamaita tingmitiqaqtunut nanminiqaqqtutlu tingmihiqiiyit uqaudjauyiuyuqhat tamainnut tingmiyunut kiunggillutik taaffuminga aanniartailinnahuarnirmun apikkuutainnut aadlanikluunniit ilihimgaumik itquungmanggittut naluqhidjutauyunikluunniit.
7. Tingmiyunut kiuyut taaffuminga aanniaqtailinnahuarnirmun apikkuutainnik aadlanikluunniit apikkuutinik imaa piyuqhat:
 - a. Kiulugit tamaita apikkuutit; imaalu
 - b. Kiunggillugit taapkuat itquumanggittut naluqhidjuttaaqqtutluunniitnik.
8. Inirnik pittaaqtuq kiuginnariaqaqtait tamaita apikkuutit pidjutiaplunilu inungmut pilimaittumut.
9. Tamaita tingmitiqaqtunut nanminiqaqqtunutlu tingmihiqiiyit piyariaqanggittut aanniaqtailinirmun apikkuutainnik hapkunanut:
 - a. havaktiuyuq tingmitimi;

- b. tingminahuaq piqaqtuq tingmidjutiqhamik piqangioplunilu takudjutinnaktunik naunaiqhimayunik talvani titirarhimayumi 3 takunnaqhuni pidjutinggittut novel coronavirus mut QALAGYUARNIQ-19; imaaluunniit
 - c. kituliqaaq piqaligumi anggiqtaudjutimik Atanilluamit Aanniaqtailinahuarnirmun Havaktianit titirarhimayumik takudjutinnaktut naunaiqhimayut talvani titirarhimayuni 3 pidjutinggittut novel coronavirus QALAGYUARNIQ-19 mut.
10. Tamaita tingmitiqaqtunut nanminiqaqututlu tingmihiqiiyt pipkalimaittut tingmiyuqhamik havaktiuyuqluunniit tingmitimut tingmiyaamingnik tingmihiqiyyi aulapkaivaktaanni imaa
- a. tingmiyuqhaq kiugumikkiq aanniaqtailinahuarnirmun apikkuutaainnut naunaiqhimaliqhunilu imaa piyut
 - i. kidjaqhutik, qalaqtuqhutiklu, imaaluunniit
 - ii. kidjaqtut aniqhaaqtariamilu ayuqhaqhutik;
 - b. tingmitiqaqtunut nanminiqaqututluunniit tingmihiqiyyit tautuktuq, aanniaqtailinahuarnirmun apikkuutit pidjutautilutik, tingminahuaq havaktiuyuqluunniit tingminmi naunaiqhimaliqhutik
 - i. kidjaqhimaliqtuq qalaqtuqhunilu, imaaluunniit
 - ii. kidjaqtut aniqhaaqtariamilu ayuqhaqhutik;
 - c. tingminahuaq kiudjutait kitunut ilaliutihimayunut apikkuutit apiqhuqtauyut inmingnut ataani titirarhimayuni 5 anggiqtauhimayun;
 - d. tingminahuaq inirnik pittaaqtuq kiuyumanggittaitlu apikkuutit ataani titirarhimayuni 5; imaalu
 - e. tingminahuaq tunihiuviqanggittuq naliarnik
 - i. titirarhimayumik anggiqtaudjutimik naunaiqhimayumik titirarhimayuni 13 imaaluunniit
 - ii. titiraq naunaiyaqhimayaa tingminahuaq ilaunggittukut ihariagiyauyuq havaktiuyuq Qilamiugutauyuniluunniit Kivraqtinguyuuq naunaiqhimayumi titirarhimayni 15.

11. Tingminahuat tingmiyuqhaunggittut maliqhugu titirarhimayuni 10 ikilimaittut aadlamun tingmitimut agyaqtauyumaplutik Nunavunmut 14 nik ubligumaplutik pittailinirmin, kihiani tunihigumik aanniaqtailinnahuarnirmun titiqqamik naunaiqhimadjutimik aanniagutiit takudjutinnaktut titirarhimayun titiraqmik 4 takudjutait pidjutinggittut QALAGYUARNIRMUN-19.
12. Tamaita tingmitiqagtunut uqaudjauyiyuqhat tingminiarhimayunut qin'ngiyayyunut tingmiyaami maliqqaqhaqangmatta qanuqtun piyuqhaungmattalu talvanga kanatap avikturviannit/ukiuqtaqtumi avikturvia munaqhiliqidjutinut atan'nguyainnit havaagingmagit novel coronavirus QALAGYUARNIQ-19 aannialaqidjut.
13. Tamaita tingminahuat piqaqtuqhat anggiqtaudjutimik timiyaami piyauhimagumik Atanilluaq Aanniaqtailinnahuarnirmun Havaktianit:
 - a. titirarhimaliqhuni iniktiqtait piyuqhayumut avaliingaarnirmun 14 ni ubluni avaliingaaqviuyuqhamimi;
 - b. titirarhimaliqhuni tingminahuaq anittaalaqiyuq talvanga piyuqhayumit avaliingaaqtitauiannit;
 - c. tamaita tingmijut aullaaqtun tingmidjutini ukunani Nunavunmi Nunatsiamilu, naunaijaqhimajun tingmijun tahamaniitpiaqpakhimajun naliinni Nunavunmi Nunatsiamiluunniit ukunani 14ni ubluni hivuagun aullaarnirmin iniqtiqhimajullu maliqujauhimagumik inminik-avaliingaaqtirhimadjutinik maliqujauhimagumik Atanilluaq Nunallaani Aanniaqtailinikkut Havaktimit Nunavunmi Nunatsiamiluunniit; imaalu
 - d. tingminahuat aullangniaqhimayut talvainnakmit Nunavunmin Churchill, Manitoba minlu, titirarhimaliqhuni tingminahuaq talvaniiqhimavaktuq naliarni Nunavut Churchill, Manitoba miluunniit (14) ni ubluni aulaqviqhaa tikinnani iniqtiqhugulu piyuqhauta avaliingaaqhuni pitqudjutaa maliqhugu talvamat Atanilluaq Aanniaqtailinnahuarnirmun Havaktianit Nunavunmi Manitobamiluunniit.
14. Tingminahuat tingmitini ihuaqhaqhimayuni tingmivikhait akungani Kitikmeot Avikturvianni humilu Nunavut nunagiyainni nutqaqviqqaqhaqagumik humimi ikiyuqhatluunniit aadlamun tingmitimun

Yalunaimi, Nunattiaqmi takupkaiyariaqanggittut anggirunmik naunaitkutimik titirarhimayuni maliqhugu 13.

15. Tamaita Qilamiugutauyumut Havaktiuyut ilaunggittunutlu ikayuqtiqhat tunihuiqhat titiraqmik talvanga Havagviannit Atanilluap Aanniaqtailinahuarnirmun Havaktianit titiraqhimaluni tingminahuaq pitjuqiyuq naliangni ilaunggittuni havaktiqhat titiraqhimayuni talvani Tingmiyuqhaunggittuni Pitqudjunmi.
16. Atanilluap Aanniaqtailinahuarnirmun Havaktia illituripkaiittaaqtuq tingmihiqiiyinun titiraqluni kitutliqaaq tingminahuat kituniluunniit tingminahuaq ilaunggittut havaktiqhat.
17. Qilamiugutauyumut Havaktiuyut ilaulimaittut piqaqviqaqtuqhani titiraqhimayun 13 15 li imaa piliqqata:
 - a. Tingminahualigumi an'nguyaqtiit tingmitainni;
 - b. Tingminahuagumik akiittuni tingmiviqhainni tingmihiqiiyt nanminiugumik tingmitimi tingmiyaunahuaq qilamiugutauyuni; imaaluunniit
 - c. Pidjutiqagumi aullaqtuqhanut Nunavunmut kiuyuqhanik qilamiugutauyumut malikhugu *Qilamiugutaudjutauyut Maligaa* uvaluunniit ***Qilamiugutauyut Maligaa*** (Kanata), pilutiqluunniit ikayuqtiulutik an'nguyaqtiit maliqhugu *Kanatap An'nguyaqtiinnut Maliga (Kanata)*
18. Malingitkumikkiq una Malitquyaudjut ihumagiyauniaqtun ihuinaaqtumik piyut Maliqyauhimayumun atuqtauliqtuq ataani *Inungnut Aanniaqtailininahuarnirmun Maligaa* pidjutittaaqtuqlu akiliqtauyuqhanik ataani Maligarmi, ilaqaqtaaqtuq ukuninnga:
 - a. \$575 taalamik akiliqtuiyuqhat inungnun; imaalu
 - b. \$2875 taalamik akiliqtuiyuqhat kuapuraisinggit.
19. Tunihigumik itquumanggittunik nalurhinnaktunikluunniit titiqqanik taaffumamut Atanilluap Aanniaqtailinahuarnirmun Havaktianut imaa ihumagumik talvunggangniaqtuq Nunavunmut ihumaliurlunilluunniit aadlanik avaliingaaqtailiyaami taimaatun ihuittumik havaktut Maliqqudjauyumut.

Una Malitquyaudjut atuliqtauniaqtuq 12:01 unnuummaat Qikiqtaalup
Ubluqhiutaannut Hivuliqmi, Aktuupa 5, 2020 pidjutihimmaangniaqtuqlu
Qilamiugutauyuq pidjutihimmaaqqat, kihiani piiqtaugumi.



Dr. Michael Patterson

Atanilluaq Aanniaqtailinahuarnirmun Havaktia